

四庫全書薈要·乾隆御覽本

集部

欽定四庫全書薈要

集部

御定歷代賦彙卷八

九



御定歷代賦彙卷八

天象

喜雨賦 有序

晉傅咸

熹  
熹  
熹  
始九年自春不雨以涉夏節草木共然百姓以堯有  
九年之水湯有七年之旱恐遭斯運並有懼心聖皇勞  
慮分使祈禱徧於羣望余以太子洗馬兼司徒請雨百  
辟益事三朝而大雨降退作斯賦

祝融熾景義和警轡亢陽火憤野無生類悠悠億兆同  
茲慘悴伊我皇之仁德予配禱育於二儀屢刻躬而勤  
政子廣請禱於靈祇孰謂天高其聽不遼孰謂神遠厥  
應孔昭潔齋致虔於茲三朝陰鬱怫而騰起陽蒼靄而  
自消飛廉扇谷風之翼翼靈嶽興慶雲之飄緜遂乃重  
陰四會溟邈無垠方中降雨亘夜迄今生我百穀粒我  
蒸民昔洪水滔天於唐堯之朝亢旱為災於殷湯之世  
下民其咨莫能俾乂歷稔九七僅免斯害猶以疇咨為

美談躬禱為勲伐

喜雨賦

宋傅亮

唯二儀之順動數有積而時偏墊襄陵於唐籍感雲漢  
於周篇匪叔葉之或邁在盛王其固然伊元嘉之初載  
肇休明於此年懿玉燭之方熙愠積陽之獨愆涸源泉  
於井谷委嘉穎於中田嗟我皇之翼翼悵臨朝而輟娛  
踵冲謙於禹湯協至誠於在予且東作之未晏庶雨露  
之夙濡遵縣子之徙廛尤魯侯之焚巫祇桑林之六禱

修季宰之再雩誠在幽其必貫感何遠而不乎聆晨鶴  
於高垓候宵畢於天隅發曾雲於觸石晦重陽於八區  
春霆殷以遠響興雲霈而載塗灑豐浸於中疇覃餘潤  
於嘉蔬殷晉人於菑畝衍將繁於中衢嗣良頌於多稔  
兆嘉夢於維魚矧具臣之逢運又均休而等虞陶曲成  
於暮稔念歸駕於董踈

喜雨賦

唐玄宗

仰重華之齊政步文命之彝倫何天道之云遠亦明徵

之在人迄中夏而自春遘憊陽而為亢雲重結而復解  
雨纔滴而還障山祠植珪而不荅田畷倚耒而怡悵京  
兆來奏音官撰曲將土龍而矯首請神巫而頓足彼有  
憑而可舉子何抑而未許恐歲凶之及人寧天譴於我  
身乃潔齋壇墀五精是祠暴立炎赫三日為期上帝臨  
我衷誠不欺重泉蒸潤觸石吐滋平雲黯而鋪幕密雨  
森其散絲無雷無電不震不眩匪疾匪徐乍合乍踈泛  
草泊樹垂珠點露過闕入樓含煙雜霧或噴薄而攢集

或淋漓而灌注亂積水之圓文拂微風之斜度寰海決  
而康樂畎畝欣而相顧絲管合兮夜將曉芙蓉開予日  
未暮原夫雨之為德也無小大之異情無高卑之不平  
無華朽之偏潤無臭薰之隔榮喜夫雨之今應也起一  
言而不舍經累辰而廣瀉納清陰之浮涼同顛氣之飄  
灑感作霖於殷命諷其滂於周雅家尚知乎禮節國有  
望於豐霸小陽臺之神人却大宛之走馬觀雲行而雨  
施吾何事乎天下



奉和聖製喜雨賦

唐張說

愚臣啟先王之冊府校絕瑞於祥經樂雲雨之平施齊  
品物之流形帝王爭重而為寶麟鳳自輕而讓靈况愆  
時之渴望欵意達而神聽是月也朱明漸半紫榴未吐  
恐降災子此下人罄虔祈子我仁主退象龍之禮禱斤  
持鷺之貌舞屏翳慙其廢職祝融悔其遷怒山決澇而  
出雲天霧霓而下雨速一言而感應尅三日而周溥氣  
滄靄以駢黜聲颯灑以蕭條灌如雲漢之屑落散似珠

泉之歆澆街廛漫其黃潦臯壤萋其綠苗舒四溟之清  
潤卷六合之煩囂咸深骨於神液共歡心於聖朝借如  
五月有梅雨之名三春有穀雨之氣越人以泥牛待沃  
胡土以賣龍求費出員嶠而石香入成都而酒味彼偏  
方與小節非大人之所責復有送地祇於鬱島迎海石  
於葛川疾雷碎其山裂走電煜其海然天子作愁霖之  
賦詞人綴苦雨之篇牆屋壞於倒井黍稷沈於下田乃  
凶禋之不令曷休徵之有焉請言瑞雨之可喜也協氣

交泰嘉生是賴湛覃而不溺衍溢而無害東漸出日之  
表西被無雷之外南窮火鼠之譯北盡燭龍之會天文  
則雲漢昭回天澤則江河濤需雖欲談天而窺管孰知  
堯德之為大

奉和聖製喜雨賦

唐韓休

聖人調玉燭握金鏡乘正陽而馭六氣之辨考中星而  
授四時之命所以平三階而齊七政惟十有六祀日躔  
于南紀火德方盛炎曠自始主上問飛候之或失徵驕

陽之所起未明求衣當食昃晷恐六事之害政引萬方  
而罪已乃設禋燎奠椒醕豈史巫之紛若惟誠德之是  
與稽玄穹以誓期樂形影以增佇善言既發靈應無越  
天垂貫斗之雲神召離星之月有滄淒淒南山朝隰林  
鳴陰鳥澗隱晴霓九光之霞冠於雲日五色之氣映於  
巖谿始攢團而未下終颯灑而俱齊合散縈直紛飛驟  
息肇自千畝周於八極及乎公田我私長我黍稷我箱  
既萬我庾惟億人咸謂之神功爾孰知夫帝力若乃拂

珠箔含綺疏微霧氣於金掌糝香煙於玉除下碧雲而  
陰合滴銅池而響餘君王乃倚雲閣憑雨殿臨清暑奏  
繁薦欣大德之在生知上靈之有睠於斯時也一人有  
慶萬國懽心羣臣獻華封之壽天子御薰絃之琴昭宸  
文於合璧式王度其如金乾道于下濟湛恩于汪濊四  
三皇于六五帝于胥樂于萬千歲

奉和聖製喜雨賦

唐徐安貞

惟大君之執象襲先帝之重玄體至精而御物用明德

而動天自乘春兮當暑洎三時而不雨何陰陽而併隔  
瞻雲漢以延佇而雍州之積高乃神明之舊府君告有司  
無作淫祠圖應龍子何名望愚婦子何期禦僊伏之六  
沴唯蕩蕩之上帝信天道之悠哉固人事之所制爾其  
園壇方墀環以禁林拂瑤席子列神座藉白茅子推聖  
心却華蓋而特立當赫曦之正臨幽應如響明徵在今  
油然作雲鬱山川之氣淒子為雨變天地之陰乘空離  
合煙霏霧雜散影微微清神不稀無雷電之相迫但蕭

條而自飛迴颯灑於天聽襲清涼於御衣如秦嶽之朝  
下似陽臺之暮歸林籞增飾城池共色八水青田千門  
紫極洗原隰於龍鱗拂甍標於鳳翼伊萬物之同潤况  
油油之黍稷匝寰海而為期指咸霖而一息吾君乃升  
玉堂闢金殿既滌炎暑是開清晏聽金石之克諧知神  
人之合忭濟濟三事稽首而言效靈變之鼓舞聯振鷺  
而飛翻欣復夏王之膳無邀漢后之恩微臣束紳國史  
秉筆階阼仰宸儀之法度聞天韻之宮徵大舜之慶雲

已發武帝之秋風莫比欽豐歲之餘裕蹟先天之至理  
陋星斗之占冠靈臺之紀猶誠奢靡之事信明明天子

奉和聖製喜雨賦

唐

賈登

聖人在位體天法地示人以五行應天以五事修其貌  
也時雨若正其言也時暘至彼氣象之或乖將反身而  
可致皇哉我君玄德敷聞御極而三才交正乘時而四  
序平分十有六年以至今載旬有一雨不愆乎晦所謂  
玄化之功行於太平之代粵在春餘而乘夏初或上官



以位或火正其居土勝於水午衝於子陽景且曜陰風  
莫起當天數之適然非歲行之常紀惟帝念茲聞諸有  
司或獻舞雩之請或陳齋社之期省而不錄云奪農時  
直以萬乘之貴躬親三日之祠王言既出聖心惟一天  
昭厥誠神降之吉霈然為雨不俟終日明明聖后知微  
知彰迪彼炎暑化為清涼恐二氣之相迫於兆久而不  
臧以身作戒因物考祥當是時也收其威而雷不敢作  
隱其耀而電不能爍昭其令而風不憤憤布其和而氣

不交錯徒以玄默為貞清明惟神簡服用興德仁如此  
者上獨感其雲行下獨成其雨施六合雖廣一朝畢被  
其始至也歷亂希微霧雜煙霏其少進也湛覃凌厲泉  
飛颺逝驚碎滴于瑤池噴懸流於錦砌傳聲竹樹之末  
濯色菱荷之際乘日用而此多仰年豐而可計帝乃罷  
薰風之絃奏其雨之篇歸功於大造致美於皇天詞因  
喜降義以情傳是禮也且高於商武斯文也復掩於周  
宣非聖德之兼濟何以臻於此焉魏乎聖主謙以自輔

慮其率土猶稱疾苦申命文武更求多祐又吹之以軒  
后大風又沐之以殷宗霖雨潤再洽子恩重溥自朝廷  
子至草莽爍皇篇子熙帝譜于胥德子振萬古

奉和聖製喜雨賦

唐李宙

既五月子生一陰猶不雨子思作霖聖自咎子天同德  
誠下答子神孔歆臣聞澤不潤下意將乾封豈大明在  
御而荒歲或逢禮有旱暵之舞詩有昭回之詠陛下退  
史巫之紛若追后土之虔敬以乾坤而合德何造化之

不測當赫曦子是時與滂沱兮為期粵三日而將澍未  
崇朝而已布霏微露立之壇霰霖風旋之步緬察獄以  
臨幸嘗禱林而戒懼曷若不言而順於陰隲曰肅而變  
其陽數非破塊與鳴條惟滌場及灑路靈臺是升斯考  
休徵渾儀已緯更酌元亨爾乃紫微涼夏彤庭景深初  
泛灑於太液復蕭條於上林傾菌菑而花舞散青蔥而  
葉吟宜刻漏於銀箭雜秋聲於玉琴龍虎飛騰子多氣  
色鶴鶴鳴叫兮有清音况田峻之至喜奉聖人以為心

惟大君之德也如雨施於上玄如澤漏於重泉浸四溟  
而無遠洞萬物而無偏喜羣生之遂也山不剪其毛髮  
河不污其宮闕思就紺而生虹願從風而移月絕奔雷  
以無景靜行雲以不發願依稀予其奚多雖三五而可  
越

賀雨賦

唐沈瑱

臣聞堯以欽明文思察洪水而其咨湯以布昭聖武繇  
鑠石而不雨彼穹蒼之災沴豈睿君與聖主我明德之

馨香終時康而俗阜大唐以率俾蠻夏莫非王土主上  
以光宅君臨粵若稽古以淑德崇化為乾作輔其廣運  
也包二儀以覆載其亭育也想羣生之父母聖謨洋洋  
嘉言孔彰惟精惟一無怠無荒百姓有過引之歸已一  
物失所納之於隍夫人之所重者食也政之所先者農  
也近歲以冬雪不盈春雲少澤綠疇合瘁朱夏將革無  
西畢之霽霓有南威之赫奕我藝闕秀甫田虛闕湘燕  
垂翼而不飛應龍矯首而何益爾乃邦人大恐皇念勤

眷思轉災以為祥宜樹美而除譴移正寢徹豐膳釋幽  
冤索遺彥達聰明目廣視聽於四方恤獄緩刑開網羅  
於三面誠絕崇慝懲離黨援袞路清太階平君臣咸一  
邦家輯寧天方悔咎淪孽垂休降靈雲布族而靄靄電  
驚空而煌熒殷雷震而聞闐飛雨零而冥冥夫其森沈  
散漫颯灑凌亂澀液汪洋周流津漢濯上林之藹靡漲  
昆明之瀾汗驟繁響於闕廷浮清風於樓觀玄澤優而  
霽止晴光炳于澄渙奔餘潦於迴塘挂晴虹於霄漢阡

陌條暢而增綺黍稷芬榮而若換野老熙熙農人相持  
嘉廩儲之望歲喜甘霈之流滋鼓腹擊壤賡歌稱詩詩  
曰有渰淒淒興雨祁祁雨我公田遂及我私皇上睟容  
有穆神心載怡羣卿大夫濟濟纓綉拜手稽首足之蹈  
之賀農祥於介福答聖造於休期有諫議大夫沈瑱因  
進而稱曰臣聞昔者飛雉升鼎用墜殷宗之德熒惑守  
心旋移宋景之慝禾苗盡起孺子感動於周公桑穀並  
生太戊獲相於伊陟夫君人者修己以敬乾乾日昃奉



堯舜以為心崇禮讓而為則放黜回佞敦求謹直使人  
以時用丘明之昏定異物不貴誠老氏之難得哀賑惇  
接勉敦稼穡自然災伏至誠感於天地及當而行湛恩  
浹於寰瀛珍絡繹瑞縱橫海氣蒙晏河光吐榮甘露凝  
而醴泉涌麒麟遊而鳳凰鳴煙雲蕭索而紛郁日月光  
華而淑清我后慎終如始用晦為明為而不有冲而不  
盈向之能事動植由庚

喜雨賦

有序

宋王炎

丙申夏四月武昌闔郡不雨越五月三日崇陽宰吳侯  
以誠禱雨遂優渥按春秋僖公三年春正月不雨夏四  
月不雨六月雨說者曰書不雨者閔雨也書雨者喜雨  
也喜雨者有志於民也今吳侯禱雨以誠不崇朝而雨  
隨之可謂有志於民矣作喜雨賦其詞曰

歲行於涸灘之辰斗建於實沈之次環鄂渚之七縣值  
亢陽之為沴風自南而且霾日將北而如燬雲霓鬱而  
不興旱魃驕而執禦策余馬於郊牧喧龍骨之呶嗶漉

池瀦其既竭陂堰支其斷流視衍沃而龜坼况高田之  
未穫苗已悴而半槁懼西疇之不收幾張頤而待哺舉  
蹙額而增憂粵桃溪之令君念民命之惟穀茲土曠而  
農情雖儋石而無蓄繫告糴之多艱米翔踊而如玉儻  
既月而旱甚民必仆於溝瀆講雩祀之故事虚心齋而  
竭誠謁梵王之蓮宮羞蘋蘩之潔清歛仙伯之靈巖釋  
輿馬而草行陰曠曠以隨蓋颺悠悠而擁旌柱礎濕其  
有汗鐘鼓鞞其無聲紛舉手以加額曰雨兆其已形龜

日歲儀肅我庭宇駕龍秋秋攸屆攸止雲將前驅雨師  
踵至越三日而為霖罄一同而均利稼芄芄而驟蘇澮  
汨汨而如注免為殍於凶年占築場於樂歲沸興頌而  
載塗歌令君之陰賜其歌曰霖霖子涵濡汚邪子滿車  
其釀子有黍稻稷子可炊豈弟之澤民肥不暱我字我  
撫公留勿歸均此大惠公歸勿徐吳侯聞而哂之曰父  
老之言何美之溢也向也民憂而憂此吏責也今也民  
喜而喜吏不敢以為德也然旱而禱禱而雨如重負之

獲釋也酌我醕醴旅我穀核合僚友而一笑吾敢忘夫  
帝力

喜雨賦

有序

元李繼本

辛亥夏余寓繁時彌月不雨五月二十有二日大雨作  
喜雨賦

五臺之北五原之陽太行削雲間之老翠淙水落天上  
之銀潢澮畝縱橫池館清涼雞犬靜其無譁花竹秀予  
有香卧雲子游而樂之遂解裝林下而卜鄰於暖泉之

傍鄉大夫喜其來而懼其往也相與剗荒榛締草堂開  
蔬圃拭藥囊有琴在御有書滿床奚奴春柳陰之白絮  
鄰父過牆頭之綠觴步明月而歌窈窕臨逝波而詠滄  
浪跡繼于城市心息乎紛攘蓋將奉親以自樂而高卧  
乎白雲之鄉孰期涉茲盛夏天閤膏雨憂心殷殷莫知  
所處赤日如焚旱氣旁午牛喘欲頽龍卧不起粟苗半  
焦麥實成秕穹林偃兮槁木破金啼子渴鼠地靈縮萬  
井之源海若收百川之水罷千門之管絃歎五方之商

旅乃有戴白之翁垂髫之子斟寒潭之清冷羅華祭之  
香幣走龍祠以祈靈薦牲俎以陳醴旌幢綯兮九霄笙  
鼓訇予百里娛以優伶雜以士女既醉既飽載笑載喜  
眇天澤之少施冀神心之暫啟俄而玄霾塞乎沈寥密  
霧沈乎階阼恍疑起潛蛟於巖幽而捲怒龍於江者也  
少焉明霞收流電止日迎霧以霽澄風吹雲而披靡氣  
將交而復離惠將布而復弛兆姓吞聲而無歡萬口變  
天而矢死巍巍皇穹憫民之窮沛然下雨當茲五月之

將終方是雨之欲降也炎光墮地層陰蔽空萬螿封穴

百鳥號風日車騰騰以遄邁雷幟閃閃以交攻山川晦

靄乾坤晦蒙雷震天門之鼓水涌馮夷之宮及是雨之

既作也噴灑空際飛流海東浪奔平皋之雲河走長橋

之虹瀉天瓢於八極散銀竹於千峰迴生意於萬象蘇

渴望于三農既而陰氣解駁晴景冲融雲浮浮其若練

山宛宛其猶龍鳥嚶嚶其相樂木翁翁其成叢平疇漲

萬頃之綠奇葩吐千林之紅客有登空山以遐睇鏘環



佩於雲中藉緜緜之茂草陰落落之長松暝藹逐遙空  
之孤鶩天風度荒寺之遠鐘俯仰宇宙披豁心曾但見  
火輪千丈西渡銀海湧出萬朵金芙蓉爾其霞飛林表  
煙斂天末柳暗歸鴉簷喧乾鵲送西山之夕陽挂南樓  
之朱箔槐色浮而庭宇清花陰轉而簾櫳薄緜帙曬予  
芸軒酒旆揭予山郭烏犍耕白水之涯紅袖舞清風之  
閣涼入子練衣香潤子錦索於是華者實槁者活疾者  
瘳憂者樂三農得是雨而澄明兩儀得是雨而開廓太

和得是雨而流行沴氣得是雨而銷鑠彼棠谿之金美則美矣而惠不若是雨之博垂棘之璧貴則貴矣而恩不若是雨之渥飛潛動植皆為之鬯舒耆耄幼穉皆為之欣躍信天下之至寶非一物獨得而沾濡誠宇內之奇珍非一人獨得以囊括天降斯雨豈人所作人被斯澤非天曷託彼有備百禮以禱於鬼神者孰若精一心以求於冥漠也卧雲子復怡然語諸鄉大夫曰始而不雨吾意天實珍厥下民矣既而大旱吾意天實隕厥兆

民矣一雨如沐九土皆春天錫吾氓惠也孔殷吾將結  
青山以為侶招白雲以為鄰耕田讀書以終老於滹水  
之濱迺歌曰雷雨滿盈子蕩乎無垠氣化迴薄子出乎  
無門使天雨玉子曷若野橋流水清無塵使天雨珠子  
曷若石田茆屋屯秋雲吾何以酬天地之大德子惟有  
丹心一寸橫蒼旻

喜雨賦

明張鳳翼

重光赤奮若之協洽月猶亢霽不雨當事者誠民索神

而雩之迺霍甘澍余因賦此以志喜曰肥蠶作沴旱魃  
為殃載當溽暑乃肆驕陽噓燭龍而熱世煬朱鳥以焚  
荒赫赫爾金流燭氣蟲蟲乎火吐燿光赤地熬煎龜坼  
三千之界土黃埃塊塤鮒悲百六之封疆民乃叩心於  
昆明之鯨切齒於拘扶之鼠於是禱靈霍徵柱礎祈屏  
翳占少女咤石燕以求滄鰲泥牛而冀涸繫天公之降  
鑿軫物彙之為焦爰命五雷誅駿霍露屠倭蟾蜍據畢  
蜥蜴登垚阿香轉轂李靖操杓挹三江以備霏汲九井

以迴燂其始也雲鬢隸予含靈風颺颺予引霹電熒熒  
予方揚雷虺虺予乍搗鳩攫搏予驅羣蜈蛭蜒予出湯  
俄而霏霏霧擁滴瀝風搓初濂濺而霏霖欵傾注以霧  
霓劈青蕉於深苑摧紫蓼於長河滯東山之征旆灑西  
塞之漁蓑黯黯黔黔黯淡鎖嶙峋之色靈靈雷雷溟濛  
增激濫之波斯時也溝澮盈塋疇溥養柳塘迷花塢蟻  
封沒而埵鶴無聲馬鬣湮而商羊落羽減聽經研裏之  
涓陋救蜀杯中之醪當羞焚虺之僖公可媿乾封之漢

武豈水廟以迎菴抑石潭而置虎行見潤灌千封沾濡  
萬寶漑禹甸以重蘇渥宋苗於既槁活中谷之修推起  
平原之漬草豎無卉而不萎暇無禾而不葆水無瘴而  
不清山無嵐而不埽炎融退舍以求容霓伯呈能而跣  
考山陬海澨同消雲漢之憂野老邨氓共舞桑林之禱  
則有頌膏澤以颺徽擬醴泉而志潤慶肥莢於四山慰  
焦枯於一陣故雖少蠶其常亦不害乎陰陽之順若夫  
解吳師於壞壘走秦戍於漁陽濕蕭王於道舍敗魏卒

於陳倉夫寧直係品彙之榮靡開落亦且關國家之成  
敗興亡至於捲簾高王勃之才折角蟲林宗之望隨車  
彰百里之賢辨獄表真卿之亮總氤氲布濩之玄機又  
安可以一二而名狀故神女多情聿行於巫峽蛟龍有  
意式借於池中雖陽烏之微默感陰石之未潛通是以  
仰弔伐於成湯者象之而親其澤美匡襄於傳說者比  
之而大其功於維不淫以不霰庶幾靈世於無窮洵爾  
余將偃芸牕以醉籍又何論乎麥之西東亂曰明昭上

帝回夙慙子咤霧鞭霆施霖愛子潤物優游不破塊子  
瞻彼疆場靡燠培子介我黍稷如茨梁子穀我士女罔  
愴惶子哩棲晦被慶豐康子擊壤歌衢樂堯唐子

雨不破塊賦

以微雨流潤用  
表豐年為韻

唐王起

國有休徵天作零雨不為霖以破塊自呈祥而潤土既  
霑既足克成五稼之豐不疾不徐詎作三農之苦惟雨  
也映於遙天惟塊也列於大田彼以泛灑為利此以生  
植為先玄雲不開色霏微而方密黑壤相映形磊落以



皆全詎為暴於終日自成功於有年觀其散漫初來空濛如振不遺一撮之小不爽一旬之信滋螻蝻之穴何患沾濡帶蚯蚓之形亦懷膏潤其色如晦其飄甚微纒連異質優渥同歸如原野之霧合似隴畝之塵飛色潤方圓形沾大小東作之耕斯著西成之功必表青黎不散佇秀麥之芄芄白壤常存宜散絲之皎皎是知妖魃見也則枯旱為憂商羊舞也則泥塗見修孰若霖霖微漬滂沱不流所以見太平之美所以彰至聖之休故宜

美土疆資播種宣老圃之志作曾孫之頌祁祁美瑞九  
土之澤克施每每有形三日之霖勿用是知雨無破塊  
年必屢豐積而不載感之則通何沃土之不浹何瘠壤  
之不同夫如是則受塊之人共欣其天賜擊壤之老將  
明其帝功

密雨如散絲賦

以微密相續集  
布如絲為韻

唐

李鐸

散萬物者莫潤乎雨鈞百貨者莫細乎絲雨將應時既  
盈空而沃若絲將比密爰委質以勢之原夫清畢啟陰

夕陽向暮散輕霞以成綺  
矗玄雲而似布於是  
露霏郊野霏微草樹蔽重霄之靄靄  
猶委緒風映遠岫之濛濛  
乍迷穀霧髣髴將久輕盈匪陳濛濛  
沆紗之際浸淫濯錦之餘織婦停梭  
似曳乃輕之緒舟人罷釣疑牽或躍  
之魚由是揚素彩降碧虛忘機別天  
庭之眄彼拂鬢驚韶髮之皤如徒觀  
其散影有經分行無匹始斜足以色  
麗俄交反而勢密輕沾素服懷墨子  
之悲時遙隔布泉誤詩人之怨日皎  
皎容潔絲絲體微絕而復尋等蛛網

而共挂垂之如墜連雪絮以輕飛仰之盈目紛如可矚  
彼時澤之長懸若天經之恒續秦臺蟻行豈惟珠曲乃  
穿湘浦燕飛不獨烏方驚觸有以灑炎炎之苦有以慰  
蚩蚩之俗且晴晦之異圖牒之祥則有雲如繒以遙列  
星曳練而可望布霑霈而莫能與比齊繇密而曷足其  
相彼龍見而方雩與決雲而齊給或流電而未止或破  
塊而併集曾未若汗漫於率土之濱表王言之澤及

雨望賦

宋張耒

淡海天之蒼茫觀驟雨之霽霈飄風擊而雲奔曠萬里  
而一蔽卒然如百萬之卒赴敵驟戰兮車旗崩騰而矢  
石亂至也已而餘飄既定盛怒已洩雲逐逐而散歸縱  
橫委乎天末又如戰勝之兵整旗就隊徐驅而回歸予  
杳然惟見夫川平而野濶夫雲霞風月之容雷雨電  
之變非巧力之能為蓋人間之絕觀必也登雄樓傑閣  
之崢嶸憑高山巨海之空曠徹除耳目之障蔽而後能  
窮極變化之奇狀嗟我居之卑湫予束視聽於尋丈顧

所欲之莫得子徒臨風而惆悵

聽雨賦

宋陳造

步前楹瞻列星問雨而愍晴雲河斜澹淡明悲惜於邑  
退坐風樞憂而倦倦而寐寐而驚進新涼響微零下簷  
隙喧中庭策策而丁丁琅琅而玲玲非琴非筑金撞而  
玉瑩俄焉建之瓴盆之傾懸麻澍繩雜流泉之洶駭亂  
甲馬之亟轟喜躍蹶起呼兒晤聽時也燥枯快焚自夏  
而秋東鶩西馳哀祈乞靈款龍湫叩神扃奠斯幣而刑

牲者蓋無虛日今始聆乎此聲苗悴悴而將槁悵此願  
之莫憑脫如願也槁者已矣悴者庶其復榮今茲之雨  
雖云後而尚及事坐想夫南視北西遠隴近平在谷滿  
谷在坑滿坑自今以始畎澮之淺深溪澗之縱橫滄潢  
予萬斛之傾輸鏡徹予千頃之泓渟映涼葉之朝翻涵  
嫩畦之夜青苞者攢槩秀者森芒予莫不引稚而抽萌  
憔悴感嘆咤者生意之頓回奔騫跼蹐者舞踊而經營洗  
襁子之昔憂歛春臺之共登且得以殺吾顏之駢賴息

勞慮之怛怛蓋去國積年者繫夢於鄉扮枵腹彌日者  
動啜於藜藿一旦陞堂皇挹父兄嘗稻梁飫侯鯖冀幸  
禱祠而不獲者不啻疇之詎此樂之易名而況匪輔胡  
車匪根曷莖凡吏之安否視休戚於下究其理民則重  
而吏輕今者里詠塗歌含舖擊壤之餘尚不釋然也夫  
豈其情燭既跋僕屢更我瓶斯卧爾歌載賡呃鄰雞之  
既鳴

雨賦

明  
田藝蘅



陳王既去燭房即月殿命仲宣揮素練載歌載觴樂而  
忘倦少馬玉兔漸沒赤烏將升商羊鼓舞螻蟻封興白  
馬奉使黑蛟作朋填填雷奮祁祁雲蒸大雨旋降海沸  
川騰乃罷鳴琴弛妙舞上客無歸清談競吐臨高臺而  
散心撫虛檻而披靚茫茫霧鬱沈沈煙樹屏翳奔馳玄  
冥震怒乍逐電而翻盆忽從風而飄縷遲回凝睇目眩  
神怡詠如晦於鄭什誦滂沱於周詩幸我大夫載抽妍  
辭王粲捧簡口占進之臣聞天澤之名取輔之義習坎

之象佐養之事本因意而成文水下雲而製字沛陰陽之和溥乾坤之施九疇肅而時來五政得而春至道合天而成甘治入神而咸利弗迷表重華之精誠無淫識中國之聖瑞其稱名也雜其寓意也深暴則為凍久則為霖零則徐墜驟則難禁小曰霰霖晦曰霏霽一旬惟穀十日惟霖濯枝而暑却破塊而年稔辨色戊申之日多怪符陽之岑炎農效靈於正制成湯兆異於祝林文伐商而兵洗衛討邢而師淋虞期昭魏文之信人事感

宋景之心若乃赤松翔少女發石燕飛焦明歇朱鼈波  
浮三豨河沒無為之君布州雷神之龍捕樾觸石出雲  
離畢應月綠苔潤滋黃原潦淳玉溜蛇驚銀湍馬突舟  
運廣庭衣生魏闕淹秦嶽而潛淵浮鄧林而濟筏於是  
居者悅行者憂幽人喜思婦愁王孫未返浪子長遊遠  
空漠漠曠野悠悠重陰易夜涼思先秋寒聲伏枕冥色  
登樓君淒淒而向楚妾黯黯而居周騎泥濘而駕阻羽  
霑濡而信修離情難霽別淚橫流歎高珪之鳴鶴盼晴

檐之喚鳩亦有壯士遐征淋漓絕域漢草正青胡沙猶  
黑竈濕產蠹營卑為域東山之師未班蝸角之爭何息  
至如良苗就槁大旱雲霓饑彼南晦春水一犁蛟得池  
中豹養山下密自西郊出溉傳野未若祥飈拂慶澤濡  
三農足萬國娛開芳宴振俚飲浪浪金石瑟瑟笙芋雅  
音泝響逸韻同趨和花隕砌共葉辭株入竹注戟灑荷  
跳珠淪波涌泡暈漪點矚映朝霞之危岫渺暮靄之平  
蕪驂油壁於峻坂解錦障於潢汙或如晉而將飲況望

湯之來蘇君王聞之樂不可告選姬姜薦醕醑簇瓊筵  
獻佩玉上壽未修染翰相屬庶卒通宵之歡乃歌聽澍  
之曲曲曰朝復暮予陽臺望美人予不來厭厭飲予燭  
滅懷抱冷予誰開又歌暮霽之曲曰塵心洗予淒清醉  
耳寂予無聲風為御予雲為駟美人來予難為情歌既  
闌玷已反庭燎輝油幕卷佳期可還行樂何晚雪徒夸  
予兔園月空夢予桂苑領大王之雄風願有斐而不謏

秋雨賦

梁張纘

靈霖興乎爽節膚寸起于曾岑乃娛情而悅體猶冬陽  
與夏陰塞南幃以寓目敞北戶而披襟商律屆於茲晨  
涼雨感而已作甘泉集而溟溟油雲興而漠漠溫曦革  
於早暮炎涼改於今昨乍斜檐而上階或從風而灑幕  
周小庭而密下泣高枝而疎落淥池汎澹員波儵鑠低  
昂弱篠葳蕤叢薄

秋雨賦

有序

宋  
鄭剛中

秋雨踰旬門巷窮寂頌百愆之在身知再生之有德中

夜感而賦之

維歲庚午白露戒之前夕燃膏不繼於夜未央非風非  
雷聲在四牕居士醉醒相半覺寐都忘橫枕聽之則秋  
雨之至於西江也盧仝之屋雜然以鳴原憲之樞颯焉  
而入橐駝之樹振舞而響動于猷之竹飄蕭而細集其  
初若有若無類李祐入蔡州之肅後則若馳若驟如光  
武破王尋之急少焉再作風松沸鼎山城百家想萬絲  
之斜濕居士耳受心感坐而歎曰辰角未見孰挽河邪

然資以入土者宿種欲麥待以流脂者大田有禾收豐  
歲之美利壓厲氣之偏頗薰嘉味於酒醴暢吾民之笑  
歌是皆助天地釀中和予不敢以為多也為腹疾乎入  
蒼苔於陋室乎將望舒得天澤之意而離於畢乎茲未  
必也化魚乎添柳耳乎將瓜爛文貝棗落青瓊之實抑  
又何足惜也雖溝畝之迅流猶河伯之未溢予貧甚而  
門外無裹飯以來者知子桑之病未十日也然則予何  
歎曰歎陰晴之遞見寒暑之易流也君恩重而身已老



知己厚而心莫酬行百里者信五十之始半失桑榆者  
亦何時而可收雖使驟漂橫落者盡為孤臣之淚猶不  
足以定痛故不若息羣籟聞清夜庶予悲之少休

秋霖賦

唐  
盧照鄰

覽萬物予竊獨悲此秋霖風橫天而瑟瑟雲覆海而沈  
沈居人對之憂不解行客見之思已深若乃千井埋煙  
百廛涵潦青苔被壁綠萍生道於時卷無馬跡林無鳥  
聲野陰霾而自晦山幽曖而不明長塗未半茫茫漫漫

莫不埋輪據鞍銜悽茹歎借如尼父去魯圍陳畏匡將  
飢不爨欲濟無梁問長沮與桀溺逢漢陰與楚狂長櫛  
風而沐雨永悽悽以遑遑及夫屈平既放登高一望湛  
湛江水悠悠千里泣故國之長楸見玄雲之四起嗟夫  
子卿北海伏波南川金河別鴈銅柱辭鳶關山天骨霜  
露彫年眺窮陰子斷地看積水子連天別有東國儒生  
西都才客屋滿鉛槧家虛儋石茅棟淋淋蓬門寂寂蕪  
碧草於園徑聚綠塵於庖甕玉為粒子桂為薪堂有琴

予室無人抗高情以出俗馳精義以入神論有能鳴之  
鴈書成已泣之麟覩皇天之淫溢孰不隅坐而含顰已  
矣哉若夫繡轂銀鞍金杯玉盤坐卧珠璧左右羅紈流  
酒為海積肉為壘視襄陵而昏墊曾不輟乎此歡豈知  
乎堯舜之臞瘠而孔墨之艱難

春霖賦

宋 薛士隆

皇八世之隆興予元正直於青陽遭霖澍之媽繇予竊  
獨悲此衆芳氛侵鬱其續紛予蔽皇蒼之典忍既困人

以沈着子又伸之以紆軫幹渾天以為蓋子星辰爛其  
昭灼仰橫空之駿隼子日霏霞余靡樂坤輿磅礴以蒸  
漬子漲塗潦之狂流草莽莽以侵階子蒼絳汨其孔繇  
藥丹頰以豔顏子荃胡獨罹此患上飄風而下淫注子  
實芬葩於未晏蠶蠹蝨以三蛻兮薶棲畝之云秋胡彼  
蒼為此沍寒子產鬆鬢之耳頭情徬徨余靡遡子幾鳴  
哀於閭闔羌被離於霧露子雖衷腸誰與答創余懷而  
若刈子涕紛零其如雨庶庚申之輔夏子鎖支祁於淮

浦烏乎悲哉予人生復幾春歲流邁而多陰予皇溷滑  
於東君不如歸詔鷓鴣之彫萬卉予傷霑昧而幽憂叱  
神龍俾潛淵予馭羲和而遠遊

暑雨賦

宋張耒

提九山於空虛忽並擊而俱裂壅百川於河漢迺防潰  
而一決哀下土之微生何足供夫摧折方朱鳥之宵中  
歲仲夏予大熱雖煖焚之一快俄鬱蒸之莫洩叢百指  
於環堵顧杖履之安設委重者於九旬淫疾苦於百節

付六鑿於渾沌獨天遊而神悅忽儵然而輕舉固已窺  
寒門而蹈冰雪攬北斗而酌天酒覲上帝於玄闕聊道  
遙予窮年俯故居予螳垤

怒雨賦

元 郝 經

澹汨畢而膨脗箕哆口而饒吞帝惡貪予赫怒氣軒軒  
予不平乃命箕伯召坎師轉陰軸翻陽機鬱抑乎兩儀  
蘊隆乎四維包并乎八荒充塞乎九圍括一囊而大舉  
疆萬里以長吹陣雲移海而起雙霓貫斗而飛肅肅慄

慄汰寥慘戚收兩造之和氣寒凜凜予來逼忽六合之  
破碎迸金光於虛碧震來予號號迅擊予霹靂轟萬乘  
之空車墮千尋之絕壁勁穿心而裂耳訝墮入而頂出  
間剝啄之聲落自沙石而還濕忽抑絕而閉默等萬籟  
之喧寂驟江傾而河沛灑天歎為一滴滔滔蕩蕩潏潏  
泱泱千里一注瞿塘峽上急浪驚湍沓滴飛蟠從天而  
下砥柱山間紛秦堅之百萬避晉玄之五千怒夫差之  
水犀旣射潮而矢天少瑟縮而浙瀝復誕漣以連泣蛟

龍奮而不屈走陸梁以高騫蚯蚓暗而不鳴鼃鼃噓而  
不喧疑天地之嘉運欲覆世而一湔蝸蝻驚而轉石罔  
象喜而跳淵溢溷中之污穢沒庭下之蘭荃疑天地之  
衰運復太古之茫然穉子陪而不蘇畏崩壞而壞垣老  
媪伏而不動固局束以孿拳彼宵中子何主宜外物之  
變遷羌獨居子草堂方偃蹇而高眠為攬衣而徐起正  
冠襟而待旃主之乎以忠信彼胡為乎詖偏倏孤電之  
長掃賈餘勇而忽還星吐燄而耿耿月流波而娟娟於



是撫床而下擊藜而歌之歌曰尸居于龍見淵默于雷  
殷彼自怒而為幻我惟常而是允存而守之一心而定  
推而放之四海而準又何怒之遷而喜之引也

愁霖賦

魏文帝

脂余車而秣馬將言旋乎鄴都玄雲黯其四塞雨濛濛  
而襲予塗沮洳以沈滯潦淫衍而橫湍豈在余之憚勞  
哀行旅之艱難仰皇天而太息悲白日之不暘思若木  
以照路假龍燭之末光

愁霖賦

魏曹植

迎朔風而爰邁予雨微微而速行悼朝陽之隱曜兮怨  
北辰之潛精車結轍以盤桓兮馬躑躅以悲鳴攀扶桑  
而仰觀予假九日於天皇瞻沈雲之泱泱兮哀吾願之  
不將又曰夫季秋之淫雨予既彌日而成霖瞻玄雲之  
澹澹予聽長雷之淋淋中宵卧而嘆息起飾帶而撫琴  
聽屯雷之恒音兮聞左右之歎聲情慘憤而含歎予起

愁霖賦

魏應瑒

披衣而遊庭三辰幽而重關蒼曜隱而無形雲曖曖而  
周馳雨濛濛而霧零排房帳而北入振蓋服之沾衣還  
空牀而寢息夢白日之餘暉惕中寤而不效予意悽悵  
而增悲

愁霖賦

有序

晉陸雲

永寧三年夏六月鄴都大霖旬有奇日稼穡沈湮生民  
愁痺時文雅之士煥然並作同僚見命乃作賦曰  
在朱明之季月兮反極陽於重陰興介丘之膚寸兮墜

崩雲而洪沈谷風扇而攸遂予苦雨播而成淫天決澗  
以懷慘予民顰蹙而愁霖於是天地發揮陰陽交激萬  
物混而同波予玄黃浩其無質雷憑虛以振庭子電凌  
牖而輝室雷鼎沸以駿奔子潦風驅而競疾豈南山之  
暴隄子將冥海之暫溢隱隱填填若降自天高岸渙其  
無崖兮平原蕩而為淵遵渚回於凌河兮黍稷仆於中  
田匱多稼於億廩予虛夙敬於祈年外薄郊甸內荒都  
城陰無晞景雷無輟聲纖波靡於前塗兮微津隔於峻

庭紛雲擾而霧塞予漫天顏而地盈於是愁音比屋歎  
發屢省陽堂之暉朗室無景望層雲之萬仞予想白日  
之寸脛感虛無而思深予對寂寞而言靖毒甚雨之未  
晞予悲夏日之方永瞻大辰以顏息予仰天衢而引領  
愁情沈疾明發哀吟永言有懷感物傷心結南枝之舊  
思予詠莊舄之遺音羨弁彼之歸飛予寄予思乎江陰  
渺天末以流目兮涕潺湲而沾襟何人生之倏忽痛存  
亡之無期方千歲於天壤予吾固已陋夫靈龜矧百年

之促節予又莫登乎期頤哀戚容之易感予悲歡顏之  
難怡考傷懷於衆苦兮愁豈霖之足悲雲曇曇而疊結  
兮雨淫淫而未散晞朱陽於崇朝予悲此日之屢晏劾  
豐隆於岳陽予執赤松於神館命雲師以藏用予繼乘  
龍於河漢照濛汜之清暉予炳扶桑之始旦考幽明於  
人神子妙萬物以達觀

患雨賦

晉傅咸

夫何遠寓之多懷患淫雨之有經自流火以迄今歷九

旬而無寧庶太清之垂曜覩日月之光明雲乍披而旋  
合雷暫輟而復零將收雷之要月棄嘉穀於已成前渴  
焉而不降後患之而弗晴惟二儀之神化奚水旱之有  
并湯亢陽於七載子堯洪汎乎九齡天道且猶若茲况  
人事之不平

苦雨賦

晉潘尼

氣觸石而結蒸子雲膚合而仰浮雨紛射而下注子潦  
波湧而橫流豈信宿之云多乃踰月而成霖瞻中唐之

浩汗聽長雷之泔泔始濛濛而徐墜終霽霈而難禁悲  
列宿之匿景悼太陽之幽沈雲暫披而驟合雨乍息而  
亟零旦澌澌以達暮夜淋淋以極明鼃鼃遊於門闥蛙  
蝦嬉乎中庭懼二源之并合畏黔首之為魚處者合瘁  
於窮巷行者歎息於長衢

苦雨賦

唐李觀

帝何為乎何譎歲何為乎何祥水何為乎競火陰何為  
乎乘陽易曰大人者與天地合其德日月合其明今則



反矣所謂合德者變化合其序所謂合明者進退合其  
常今則反矣夫君德行乎下天德行乎上行乎上者下  
合行乎下者上讓今世則反矣謂之合德則非應謂之  
合明則迷嚮豈大人之德有時而不合天地之德有時  
而妄用堯之代九州淪胥湯之代天下焚如彼二后者  
帝矣王矣其所有不合者乎蓋所以天道遠人道邇不  
可以知約不可以知窮已乎客曰非也夫堯之德合天  
以仁天合亦以仁夫湯之德合天以時而天合亦以時

故堯曰惟天為大惟堯則之湯曰伊尹相湯伐桀升自  
陟堯所以為帝湯所以為王其與天地合其德與日月  
合其明矣子誣聖人吾不取矣由是堯之水堯民不悲  
湯之旱湯民不饑故誌曰聖人在上電不為災其是之  
謂乎子何陋矣曰噫吾聞之存不忘亡安不忘危人君  
之知也又聞一夫不獲其所則曰時予之辜人君之仁  
也今淫雨彌月莫覩天符雨陰氣也陰疑於陽必戰其  
水乎其兵乎下民有不獲者乎予豈若商之患利農之

憂苗而已乎誠有已念也夫堯之水而人不悲者舜禹  
稷契之在朝也夫湯之旱而民不饑者伊尹仲虺之為  
臣也是雖八年之水賢乎三季七年之旱賢乎二世所  
謂有德者災非其責無德者吾見其無災而為害也故  
神降於莘號之災也熒惑守心宋之祥也二國者厥猶  
然也堯湯之德孰曰不動天地乎

喜霽賦

魏  
繆襲

嗟四時之平分子何陰陽之不均當夏至之勾萌子或

旱乾以歷旬既大麥之方登予汨注潦以成川忍下民  
之昏墊予棄嘉穀於中田悼彼昊天予旁魄后土育我  
黎苗予降之伊祜既垂曜於辰角申勸之以九扈何災  
沴之無常予曾染盛之弗顧覽唐氏之洪流予悵侘傺  
以長懷日黃昏而不寐思達曙以獨哀白日時其皓旭  
予雲滂勃而交回雷隱隱而震其響予雨霖霖而又墮  
察長雷之潺湲予若龍門之未開賴吾后之明聖予獨  
克躬而罪已發一言而感靈予人靡食其何恃咨天鑒

之過速予猶影響之未彰屯玄雲以東徂予扇凱風以  
南翔穹蒼皎其呈色予羲和粲以揚光農夫欣以斂川  
田畷耕於封疆

喜霽賦

晉傅玄

喜陰霖之既霽嘉良辰之肇晴悅氛電之潛匿子樂天  
鑒之孔明行潦歸於百川兮七氣徹於云庭東風穆而  
扇路重陽昇其舒靈去湮沒之憂患即通塗之啟平釋  
昏墊之蒙昧覩日月之光榮若幽龍之出泉予超飛躍

乎太清昔唐帝之欽明予遭洪水之巨害在殷湯之盛  
時予亢炎旱以歷歲伊我后之神聖予敷皇道以居帝  
雖風雨之失度予且嘉穀之無敗咸調暢以滋茂予天  
人穆其交泰命怡樂之吐和予播仁風於無外

喜霽賦

有序

晉陸雲

余既作愁霖賦雨亦霽昔魏之文士又作喜霽賦聊廁  
作者之末而作是賦焉

毒霖雨之淹時予情懷憤而無懌肅有禱於人謀予反

極陰於天律靖屏翳之洪隧子戢太山之觸石凌風絕  
而謚寧子歸雲反而揮霍改望舒之離畢子曜六龍於  
紫閣揚天步之剡剡子播靈輝之赫奕於是朱明自皓  
凱風來南復火正之舊司子黜后土於重陰夷中原之  
多潦子反高岸於嵩峯萎禾竦而振穎子偃木豎而成  
林嘉大田之未墜子幸神祇之有歆爾乃俯順習坎仰  
熾重離兼明暢而天地煜兮羣生悅而萬物齊魚凌淵  
以增躍子鳥望林而朝隄戢流波於枉水子起芳塵於

沈泥朱光播於甕牖予素景衍乎中閨天墜作照幽明  
畢覲普厥有歡覃及四國翕萬情而成喜予雖無獲而  
自得災未及害和斯有祥翼翼黍稷油油稻梁望有年  
於自古予希隆周之萬箱原思悅於蓬戶予孤竹欣於  
首陽陰陽交泰萬物方道炎神送暑素靈迎秋四時逝  
而代謝予大火忽其西流年冉冉其易顏予時靡靡而  
難留嗟沈哀之愁思予瞻日月而增憂感年華之行暮  
予思乘煙而遠遊命海若以量津予吾欲往乎瀛洲臨



儀天之太川兮凌懷山之洪波  
瞻增城之峻極兮仰蓬萊之  
崑莪望王母於弱水兮詠白  
雲之清歌雖嘉命之未錫予  
將輕舉於流沙振仙車之鳴  
鸞予吐玉衡之八和託芝蓋  
之後乘予餐瓊林之朝華修  
無窮以容與予豈萬載之足  
多

喜晴賦

宋張耒

積雨初止萬境聲乾星漢昭  
回夜客高寒晨起載欣朝暉  
在門起往從之清明肅然蚓  
安其穴蝸不遺涎還開

通於滯濕失沮洳之墊昏列缺珥鞭豐隆偃麾羲和緩轡而安行背扶桑而經天街顧大田之多荒乃愀然而興哀聊雷霆之一嬉遽下土而罹災詔龍螭使伏蟠息憤怒之喧墮曰余悔禍於斯人勞苦雨師以一栴惠我農師豈不休哉

晚晴賦

有序

唐杜牧

秋日晚晴樊川子目於郊園見大者小者有狀類者故

書賦云

雨晴秋容新沐予忻遶園而細履面平池之清空予紫  
閣青橫遠來照水如高堂之上見羅幕兮垂乎鏡裏木  
勢黨伍予行者如迎偃者如醉高者如達低者如跛松  
數十株切切交峙如冠劍大臣國有急難庭立而議竹  
林外裏予十萬丈夫甲刃擬擬密陣而環侍豈負軍令  
之不敢囂予何意氣之嚴毅復引舟於深灣忽八九之  
紅芰姹然如婦斂然如女墮蕊駭顏似見放棄白鷺潛  
來予邈風標之公子窺此美人予如慕悅其容媚雜花

差於岸側子絳綠黃紫格頑色賤子或妾或婢閒草甚  
多叢者束子靡者沓子仰風獵日如立如笑子千千萬  
萬之容子不可得而狀也若予者則謂何如倒冠落珮  
子與世濶疎教教休休子真狗其愚而隱居者乎

御定歷代賦彙卷八

御定歷代賦彙卷九

天象

露賦

唐張彥勝

夫露者陰陽之精氣也天地之靈液秋冬濁而春夏清  
晞於朝而生於夕隨時應變不凝不積遇物受彩因象  
而光滴滴瀝瀝熒熒煌煌雨其為大也澄九天而淨六  
合爾其為廣也清四極而灑八荒故能消歇氛埃生成

草木羃靡千品霑濡萬族其澤厚矣其潤深矣願聞其  
始試言厥初兆自元氣生於太虛巨人飲之而不死上  
古吮之而穴居天無雲兮珠的皪野有草兮玉扶疎寫  
蟲鳥兮為篆懷蛟龍兮著書河洛建都兮氣均風雨甘  
泉築館兮名亞儲胥或泛濫池臺或葳蕤竹栢鶴庚鳴  
兮色紫鴻鴈來兮光白露之為德也天一所以為王侯  
露之為文也詩人所以歌召伯旣因甘而作頌稱未晞  
而留客是時鷲鳥初擊鳴蟬向晚悲九節之相催恨三

危之路遠或乃幽閨織婦初下鳴機徘徊空院悵望秋  
暉洞房月入羅帳螢飛看鴻鴈之將度怨良人兮不歸  
灑交頤之玉箸苦寒露之沾衣至如關山氣寒瀚海風  
急胡侵隴塞兵屯馬邑征人此時思歸下泣不覺連如  
沾我衣濕別有洛陽才子人間秀士遠自巖曲來遊學  
市有恨驚心無人知己聞墜葉而歎息對浮雲而愁起  
悽悽兮况若有亡覩蒹葭之蒼蒼惜白露而為霜宋大  
夫聞而歎曰歲乎不我與一寒一暑昔時春晚拂楊柳

於南津今日秋深落芙蓉於北渚古人未達平生羈旅  
君何為而絕絃敢知音而相許重曰白日黯黯兮秋風  
多綠川蕭蕭兮空水波聞郢中之有曲試調露而為歌  
歌曰天降氣兮地凝精皇德茂兮芝蓋平金盤漬兮玉  
杯清葉有露兮落有聲遼東之鶴中夜驚日南之雞凌  
晨鳴華山柏兮多珠露松子服之得長生

五色露賦

以率土康樂  
之應為韻

唐白行簡

惟上天之陰騭至誠感通靈液肇吉能分五色之異以



候一時之出祥風爍乎茂草瑞景晞乎朝日玄黃雜錯  
綴玉樹以相鮮丹紺交輝映金盤而乍失既能偶聖以  
呈貺寧有普天之不率飛液花塢流光蕙圃青莢玉綴  
燦爛珠吐露藥訝仙童捧來潤石疑女媧欲補花禽排  
著宛如陳寶之難平野染成煥若徐方之土當其金烏  
戩耀玉兔騰光夜寂空知警鶴寒輕猶未為霜徒想狀  
天酒類神漿豈辨彰施而披棘尤分雜錯以沾裳滿林  
嶺而霞駭遍莓苔而錦章自然鬱為天祚慶我皇唐何

必徵勒畢之言以為國泰驗吉雲之說乃辨時康嘉其  
風中煜燭空際浮爍綴瑤草以紛敷泣庭柯而照灼彼  
灑灑刺其感歎此湛湛歡其宴樂徒用興其詠歌曾何  
覩其交錯未若含瑞表德耀彩逢時乍綺分於彼或星  
合於茲為陰陽之淳粹作花木之歲蕤喜氣度關徒虛  
語耳榮光出水曷足方之是知天降休祥聖為明證淡  
汪濊之仁澤得文質之善稱天何言哉國有感而善應

五色露賦

以率土康樂  
之應為韻

唐

賈

鍊

露彩呈祥厥狀非一表四方之具慶故五色而俱出間  
朱青以騰文雜玄黃而成質則沐聖澤者疇敢不祇被  
湛恩者罔有不率大化式乎瑞物斯覩究其原兮則一  
分其色兮惟五暖空之際若麗非煙之祥潤塊之時如  
啓建候之土神化無方至精宣光且見凝夫渥彩孰云  
晞以朝陽雖有本於三危三危不得不比諒無當於五  
色五色不得不彰豈直超絳雪掩玄霜空氾瀼瀼之靈  
氣酌滑滑之神漿始也結以成形自東方而轉色今也

出於協慶猶上天而降康則知時在中和何物不樂超  
飛走而為瑞與風雨而咸若不資揭以金莖寧假承於  
瓊爵鍊石初染狀媧皇之補天駕瓦繞霑類彩鳳之巢  
閣在漢武時方朔陳詞涉吉雲之異境得五露之靈滋  
曷若我后統寰海之有截應天地之無私包衆瑞之備  
矣選列辟而觀之自然陰陽降祉天人合應吸沆瀣延  
楚客之情詠厭浥動詩人之興若以彼而方此曾不得  
侔色而揣稱

五色露賦

以率土康樂之應為韻

唐王起

露表嘉瑞國昭元吉發五色以斯呈掩百祥而非匹輝  
光駭目知泛濫之維新變化殊姿覺淒清之有失若非  
澤無不被化無不率則何以感之於寥天榮之於聖日  
爾其寂歷地表希微天宇無聲而零有色斯覩始暖空  
而雜糅俄泣草而周普霑於衣也皆成黼黻之衣潤於  
土焉更謂苴茅之土且其白能受彩朱則孔陽青映苔  
而轉麗玄點漆而有光旣炫耀於衆彩終錯雜於中黃

儻在琉璃味無忝於甘醴如浮葭莖色詎變於凝霜何  
滑予之膏潤有煥乎之文章固可以扶壽而愈疾俗泰  
而時康徒觀夫泥泥未晞瀼瀼旣落珠彩點綴日華照  
灼無煩勒畢之求方成曼倩之樂散東陵之上乍混其  
瓜灑西山之中更迷其藥其凝殿浥其布歲蕤鶴將警  
而未測蟬欲飲而猶疑何紺霧而喻矣何卿雲而比之  
則知墜露成文休祥有證實我后之冥感掩前王之嘉  
應

五色露賦

以率土康樂  
之應為韻

唐袁 充

上帝宥密露滋貺吉青紫相宣玄黃間出湛鮮輝以交  
透涵潤彩以爭溢搖泣泣於微風散離離於初日滴而  
成暈宜警鶴之偏聞感以無情勝舞獸之能率被萬物  
之咸覩表天心之以溥識瑞氣之非二辨方來之自五  
洗於石如披媧后之文遍於地似割封侯之土合德於  
唐成金之黃鳥晨散而翻墜煙晴籠而轉光旣桂成於  
重葉亦珠綴於垂芒契之斯來我則調玉燭而後致求

之靡得彼則耀金莖而莫量是以其邦用昌其人用康  
誠可以為飲不可以為霜其離絢子其濃沃若遐矚文  
象旁通綺錯狀郊祀之琮璧燦以芬敷擬霄漢之雲霓  
煥乎蕭索固自天而同酒諒不醉而可樂其甘如飴其  
凝如脂荀叶於道不常厥期在春而衆葩皆麗或秋而  
羣蕪更滋彼露灑矣我王則之接荷光子渥萸英連碧  
砌兮滿階墀旁霑子對龍袞之彪炳紛映子逼鸞鳳之  
歲蕤始繁於天臨之際終晞於日旰之時足使魏殿懷



慙漢宮非勝多聞前後之仙術豈逮吾君之響應願濡翰於攻文之徒庶發揮於夢筆之興

清露點荷珠賦

以題為韻

唐闕

名

池有秀冠衆卉子彼荷最英天之氣結淳和今惟露斯清圓規覆水子翻然蓋傾素質積葉子炯爾珠明露非荷無以呈潔已之狀荷非露無以異先雕之榮皓影搖光修莖幕布氣散蘭郁光分電聚鄰腐草謂螢火將飛俯澄波若蠙珠已露宜灑浥於夜景惜芬芳於歲暮縹

綵將闌瓊光未斂團素律以沉沉擢餘芳之苒苒映翠  
帶狀蓮的之剖開對青霄仰星文之亂點色慙兮菱藻  
氣肅予金波雖有秋月我則承恩於彼露豈無朝日我  
則庇身於此荷尚不願灑園葵而澤豐草豈學老林葉  
而滋枯柯客有感秋而歎曰滴瀝縈紆布濩芬敷浮池  
煙兮歲蕤吐絳點天酒兮璀璨垂珠已矣夫露欲變荷  
欲蕪君不見嚴霜降萬物皆盡予復有此芙蓉

湛露晞朝陽賦

以諸侯來朝錫  
燕具醉為韻

唐

張勝之

陽暉早曙露泣清宵宵旣寂而露彩結曙將動而陽氣  
消是以在蘭者照之則煥乎葉在棘者燭之則晞乎條  
故乃喻天子布澤於宴猶諸侯命朔於朝觀夫潤草瀼  
瀼晞陽翼翼氣色濃兮猶茂枝幹燥兮如滌初將比玉  
以減其琉璃稍欲如珠復消夫率璣故可比臣竭忠以  
祇敬君降恩而蕃錫及夫大明有赫五色初收陵晨光  
動平野氣浮遂使將飲之蟬驚陽鳥而復退罷警之鶴  
懼白駒而不留出扶桑兮始上被豐草兮徒周何異夫

錫宴則臨乎我，後來朝則嘉彼爾。侯原夫曠朗之光，未舒霑濡之色。猶遍忽其陽氣，匝晴風扇則滴而有響者。其響罷聽布而成文者，其文難見。夫如有類藩臣感化而來覲，中朝布德而成宴，彼以朝為數，此以夜為初。夜則因我而陰勝，朝則因我而陽舒，其凝也無不備矣。其晞也曷可藏，諸况有麗天之暉，潤月之意，崇其燕禮著乎前志，朝日出海若一人之當陽，夕露低柯若羣臣之既醉。天晴夜朗，林霽煙開，稽其順陽之心，既且周而

復始懿乎漸晞之理又觀往而知來所以為成歲之本  
履霜之具華葉既濡清光若照吾知湛露晞朝陽也為  
君臣宴饗之喻

秋露賦

唐  
李鐸

天何言哉萬化斯該歲云秋矣傷心不已起涼風於四  
面飛斷雲於千里爾乃高天氣爽寒日光清下翠樓以  
迴矚見白露之晨生向珠網以添淨依玉階而助明如  
霜未結似雨還輕點庭蕪而葉重滋園菊而花榮歌湛

則周詩入興凝甘則漢載留名故色貴含秋光宜汎曉  
既騰文於地上復垂容於筆杪煙澹彩而的的月籠華  
而晶晶豈若華山之際童子受於囊中金莖之端仙掌  
承於雲表况乎胥臺發色軒丘降祥紅蘭受而彌潔綠  
葵含而轉芳初益巨海終晞太陽既隨時以隱見還任  
物以行藏爾其無林不沾無草不暮薤上流彩林中湛  
液思蟬飲而曉潤旅鶴警其宵滴詞人賦矣已凝冷以  
淒清君子履之又傷心而怵惕感斯露而揣稱媿才殫

而莫析者也

秋露如珠賦

以涼風變節凝露可觀為韻

唐師貞

風入秋而方勁露如珠而正團映蟾輝而迴別疑蚌剖而俱攢綴別葉之中時翻的的轉衰荷之上微振珊珊虛靜內瑩圓明外寒且驗目前之美何殊掌上而觀懿夫寓物成規效微應節含綠葵而結綠方麗耀黃菊而中黃轉澈落蒹葭之浦誠媚川而可移泣庭宇之間雜照廡而何別所以未逢朝溘還著夜光當助海而為深

功雖至薄蒙沉泉之是棄德且非涼比蟬飲之為狀與  
蛇銜而允臧發澤之道素昭結霜之儀漸露咸欣遐被  
之德寧起暗投之怒遙瑩空際思縹緲之金莖散照林  
中謂璀璨之瓊樹宛轉無窮精明有融乍見紅蘭之內  
如尋赤水之中稍迷逕蔓偏入園叢每祕彩於晝景何  
流形於夜風時也草始化螢星逾流火叶物候而增美  
信晶熒而必果想游女於水上訝鮫人之淚墮降自天  
而任彼無私照於乘而孰云不可湛湛方積累累正凝



彌增皓鶴之警不憚驪龍之興遠睇平蕪俛首而鮮苗  
益潤俯觀朝藿傾心而靈液是承嗟乎彼以少而為貴  
此以多而豈賤遇沾衣而未化如被褐而初見其克好  
以員來孰若順陰而適變

承露盤賦

魏毋丘儉

樹根芳林濯景天池嘉木靈草綠葉素枝飛閣鱗接而  
從連層臺偃蹇以橫施龜龍怪獸嬉遊乎其中詭類壯  
觀雜還衆多若乃肇制模銘應變入神窮數極理究盡

物倫命班爾名淳均撰蘭籍簡良辰采名金於崑丘斬  
扶桑以為薪詔燭龍使吐火運混元以陶甄驅陰陽而  
役神物豈取力於蒸民用能弗營不日而成匪雕匪斲  
天挺之靈雄榦揭以高立干雲霧而上征蓋取象於蓬  
萊實神明之所馮峻極過於閭風鳳高翔而弗升遠而  
望之若紫霓下鄰雙鷗集焉即而眎之若瓊琳之柱華  
蓋在端上際辰極下通九原仙掌雙擎旣平且安越古  
今而無匹信奇異之可觀又能致休徵以輔性豈徒虛

設於芳園采蘇氣之精液承清露於飛雲

金莖賦

以日華川  
上動為韻

唐  
呂令問

惟漢武皇聖謨洋溢英徽振於緜古洪德協於元吉騰  
休聲馳茂實掩八紘以稱大御六龍而首出雖端拱之  
無為常鍊奇以永日於是乎訊殊方之士考靈仙之術  
張皇臺殿恢拓宮室飛廉之觀既成長年之宮已畢乃  
金莖之仙掌承沆瀣之精華歛聳擢以橫漢屹岩亭而  
出霞珠盤上開疑天半之懸日丹莖直指若峰蓮之秀

花嶠然雙立巍乎造天紛曠曠以照野赫奕奕而燭川  
晴朝有日兮金鏡相射清夜無雲兮銀露自圓屑瓊蕊  
以克餌喻玉英以延年想王喬之再覩乘羽服以蹁躑  
思王母之一至拖霓裳以嬋娟鍊液之法斯在化金之  
術攸傳觀其迴出囂塵孤高寵從錯金盤於龍鳳曳浮  
光於螭螭長風激而自清震雷驚而不動亦可以納虛  
澹之間曠遺代俗之煩總然而仙在物表君居人上物  
表者不可以苟求居上者不可以自放虛信神君之語

徒蓄長生之望求師入海終貽樂大之誅書帛飯牛卒  
受文成之誑竟迷情於虛誕亦何補於崩喪則知履道  
者守國以正直失德者納人於邪妄向使武皇不謬於  
茲道亦可以冠百王以為尚也

初日照露盤賦

以雲表清露光  
發金景為韻

唐鄭網

日初出兮露成文盤既潔兮光乍分凝素彩而泛濫鮮  
顯氣之細縕忽炯爾以流景乍揭然而拂雲若乃勢倚  
金莖色映霞表倒初景以搖颺澹輕烟之縹緲承露華

以逾明焜霽色而共曉煥然孤秀赫奕奕於長川爛爾  
生光照翻翻之高鳥盤以貞兮露以盈日既明兮天以  
清焜以相鮮若曙月之臨朝鏡粲然交映類瓊花之雜  
玉英金景發色玉壺肇明敷皓質以流耀含太陽之至  
精伊昔漢帝初營求仙是務我皇復立承天有裕乍髣  
髴於帝臺宛昭彰乎天路首出庶物表一人之大明光  
發四施照萬方而遐布豈有屑瓊蕊泣珠露冀靈物之  
來遊望神人之自遇懿夫合以成象麗然增光于浮雲

以杲耀激旭日而悠揚仙掌斜分若蓮峰之曙景宸心  
迴想如崑崙之晴霜豈比周穆西遊覲王母於崑岳重  
華南狩怨帝子於瀟湘獨能覩雲闕而飲靈漿者乎徒  
觀夫素色上升清光下發分迴彩以照耀焜長空而超  
越白華映子光復臨露彩揚兮色彌深既炫晃以如玉  
乍晶明而散金且孤高者可擬之以抗志潔朗者亦仰  
之而為心況地表烟息天維氣整日之麗矣與星明而  
共融盤實堅然齊聖祚之悠永昔之頌靈液歌浪井曾

不如賦露盤之瑞景

初日照露盤賦

以雲表清露光  
發金景為韻

唐 盧景亮

揭金盤而受露擢仙掌而凌雲當朝陽之出海屬寒廓  
之無氛霽色曛曠金輝晃晶光奕奕於九霄之際色昭  
昭於衆象之表大明既照夕露方盈金景相映銀華自  
清高不可攀駐王喬之羽駕仰不可視奪離朱之目睛  
彼方丈之金闕洎天台之赤城或煒煌而景耀或煥赫  
而霞明出人寰之杳眇隔海嶠之崢嶸孰與我之為異



標景光於上京觀其巖從雙立岿堯上鶩輕靄不飛纖  
雲不度九成爛爛搖翠影於樓臺四野熒熒落浮光於  
草樹斯亦域中之殊觀其惟作器而盛露且夫先王立  
晦獨觀太陽卷天宇之夜色引帝庭之曙光惟大君之  
攸俟仰羣后之所望其彩若電其形若月列缺雖伏常  
煒煒而不收蟾蜍已歸實亭亭而未沒日無私而見照  
盤既遇而斯發請言露盤之始也林巒掩映崖谷重深  
自蘊於石孰為之金遭漢皇之雅尚會良治之幽尋忽

範鎔而有作爰奉承之是任不然者在塗泥而重棄與  
瓦礫而湮沉安敢望微耀之輝映初陽之照臨金之為  
質也光盪之為體也靜從有感而出日諒無心而生景  
念志士之未偶因達人而後騁顧淺陋之凡才寧覬覦  
於天幸

承露盤賦 有序

元 楊維禎

按漢武故事建章宮作承露盤高二十丈以銅為之上  
有仙人掌擎玉杯以取雲表之露夫仙人之事莊士所

不道吾獨怪漢公卿未有議露盤之非者至魏亦建於  
芳林園曹植且有銘遂若習為故事余補漢人之缺為  
承露盤賦極其盛而約之以正云

當漢興之七十有餘載也為五葉之武皇國富兵彊威  
武載揚北伐匈奴南平氐羌東定獬貊西通康郎珍貢  
集於宗廟謳歌叶於樂章繇是封泰山塞宣房立辟雍  
開明堂寶鼎既出芝房薦芳海效巨魚渥洼龍驤白麟  
朱鴈交走並翔符瑞來脩天休滋章神人見而呼我以

萬歲方士進而啓我以休糧爾乃作栢梁造銅柱神明  
通天千門萬戶太液開池神洲移輿望翠蓬子東方歎  
弱水子中阻念青精之可飪憶龍根之可脯棗如瓜而  
漫聞李如鉞而易覩於是仙人有掌承露有盤擢金莖  
於雙立奠玉杯之特安取靈液於雲表和玉屑於晨餐  
殆將洗腥腐於肉食度生死於玄關當其宵潤彤簾曙  
寒金索樹瘖玄蟬池警皜鶴涼風生於玉階灑氣薄乎  
羅幕感節序之易流傷形容之非昨豈知三危清墜百

尺高濡融若丹汞錯若琉璃盤綴玲瓏疑清眸之泣鮫  
室杯傾滴瀝如明水之炫方諸瘡者服之身痿孺載起  
老者飲爾顏朽孺還朱同吉雲之色味異姑射之空虛  
天子於是幸建章及栢梁憑玉几進霞觴邀西母之青  
使駐上元之瑤裝歌法興玄靈之曲鼓飛瓊冷虛之簧  
酌我以天酒挹我以神漿配丹丘之寶甕陋萊山之綵  
囊徧賜羣臣流恩汪洋羣臣於是再拜上千萬壽天顏  
不老彫三光泰元神策一十二萬九千六百兮開皇祚

於無疆則是盤也非徒戒武皇之淫慾實將以資大漢  
之靈長者乎嗚呼仙掌折玉杯缺獄圖既灰蟠核未茁  
海童不歸嵩呼亦歇感銅仙之自弔墮鉛淚於永別望  
修門兮空歌白雲之鄉瞻茂陵子孰返秋風之轍向非  
輪臺悔禍富民軫憂則彼孤高之盤不傾漢家之大器  
而沆瀣之液不享漢兵之積體而武皇之雄其又不為  
龍死鎬池而鮑臭沙丘者乎吾猶悼當時公孫丞相夏  
侯始昌倉軍安樂相如壽王皆無益於正揀而殿上小

兒且以不儒不老雜謫誕而逢迎則知燕齊妖妄之士  
豈獨五利與文成嗚呼安得起阿衡太公之輩於斯盤  
也與之刻丹書之刻銘日新之銘以一洗武皇多慾之  
病也哉

霜降賦

以霜降之日射  
乃祭獸為韻

唐

崔損

天地之氣嚴凝為霜候高秋於玉琯體正色於金方表  
肅殺而順時戒節協變化而開陰闔陽激清風而增厲  
淨皓月而浮光驚鴻鴈之嗷嗷落蒹葭之蒼蒼所以從

地而升應律而降詠團扇而見託班姬豈恨於長門履  
堅冰以是階素安欲驚於陋巷達重陰而首出啓沍寒  
以先期陰與律而相感寒與氣而相資百工由是休矣  
萬物於焉成之原夫日次於氏月窮於戌當青女以紀  
候從白露以受質洞庭之葉驚波豐山之鐘應律詩人  
可比庶欲徹於玉壺大國是資亦將慙於凌室凝於地  
也似和光以同塵彫於木也類去華而取實其進也則  
有俟於清宵其退也則見晞於旭日若乃林有擊隼野



有祭豺翻續紛之槁葉宿莽蒼之枯芟烈女覩之而壯  
志羈人對此而感懷皚皚其姿皎皎其彩既無惡於管  
蒯亦何情於蘭茝佐昊天之有成參神功而不宰笳聲  
乍拂怨楊柳之衰劍鏑可封發芙蓉之厲乃國家順乾  
坤之德法天地之制布澤如春肅物成歲申其令以敦  
乎風俗宣其威以殄厥災沴服用有度修典禮而罔差  
稻熟可羞先寢廟而攸祭名籍籍於憲府法稜稜於司  
寇却炎蒸而克叙四節淒金石而率舞百獸客有惜歲

星之屢遷傷志業而未就獨沉吟於軒屏望沈寥於宇宙聞萬戶之輕砧聽九重之永漏近瞻庭樹空聞槭槭而有聲緬想澗松誰惜青青而獨秀夫如是則可知霜降之候

秋霜賦

唐闕名

目長空以流思偉繁霜之獨異雖變露而成形不憑雲以自致向朝陽而既滅逢夜晴而又墜候暖則止乘寒則飛當鷹隼之始擊值鴻鴈之初歸稜稜作氣凜凜生

威比齊紈之顏色奪楚劍之光輝及其降池塘被原陸  
衰衆草落羣木萎南澗之白蘋碎東籬之紫菊梧桐為  
之失影蕖荷為之消馥豈直若斯而已徒美其威不妄  
作動隨物情因其死者而死保其生者而生雕芝蘭而  
無怨色拂松竹而不傷榮譬大聖行刑必順於時序通  
賢用法不害於堅貞至若蒲海之居桑河之汭侵戰士  
之馬蹄封將軍之狐毳沾翠幕而生冷凍朱旗而自脆  
助陰氛之肅殺壯堅冰之體勢三冬閨閣兮貯相思萬

里關山兮苦留滯不私於已觸物而止疑薄霧之初覆  
似輕塵之未起陵厲自然嚴凝莫擬故能發揮司寇光  
揚御史明忠臣之無事承君子之所履

雪賦

宋謝惠連

歲將暮時既昏寒風積愁雲繁梁王不悅遊於兔園乃  
置旨酒命賓友召鄒生延枚叟相如末至居客之右俄  
而微霰零密雪下王乃歌北風於衛詩詠南山於周雅  
授簡於司馬大夫曰抽子秘思騁子妍辭俾色揣稱為

寡人賦之相如於是避席而起逡巡而揖曰臣聞雪宮  
建於東國雪山峙於西域岐昌發詠於來思姬滿申歌  
於黃竹曹風以麻衣比色楚謠以幽蘭儷曲盈尺則呈  
瑞於豐年表丈則表沴於陰德雪之時義遠矣哉請言  
其始若乃玄律窮嚴氣升焦溪涸湯谷凝火井滅溫泉  
冰沸潭無湧炎風不興北戶墜扉裸壤垂繒於是河海  
生雲朔漠飛沙連氛累靄掩日韜霞霰浙瀝而先集雪  
紛糅而遂多其為狀也散漫交錯氛氳蕭索藹藹浮浮

漣漣奕奕聯翩飛灑徘徊委積始緣薨而冒棟終開簾  
而入隙初便娟於墀廡未縈盈於帷席既因方而為珪  
亦遇圓而成璧盼隰則萬頃同縞瞻山則千巖俱白於  
是臺如重壁達似連璐庭列瑤階林挺瓊樹皓鶴奪鮮  
白鷗失素紈袖慙冶玉顏掩嫵若乃積素未虧白日朝  
鮮爛兮若燭龍銜耀照崑山爾其流滴垂冰綠雷承隅  
繁兮若馮夷剖蚌列明珠至夫繽紛繁鶩之貌皓汗皎  
潔之儀迴散縈積之勢飛聚凝曜之奇固展轉而無窮

嗟難得而備知若乃申娛玩之無已夜幽靜而多懷風  
觸楹而轉響月承幌而通暉酌湘吳之醇酎御狐貉之  
兼衣對庭鷗之雙舞瞻雲鴈之孤飛折園中之萱草摘  
階上之芳薇踐霜雪之交積憐枝葉之相違馳遙思於  
千里願接手而同歸鄒陽聞之憊然心服有懷妍唱敬  
接末曲於是乃作而賦積雪之歌歌曰攜佳人兮披重  
幄援綺衾兮坐芳褥燎薰爐兮炳明燭酌桂酒兮揚清  
曲又續而為白雪之歌歌曰曲既揚兮酒既陳朱顏配

兮思自親願低惟以昵枕念解珮而褫紳怨年歲之易  
暮傷後會之無因君寧見階上之白雪豈鮮耀於陽春  
歌卒王乃尋繹吟玩撫覽扼腕顧謂枚叔起而為亂亂  
曰白羽雖白質以輕予白玉雖白空守貞兮未若茲雪  
因時興滅玄陰凝不昧其潔太陽曜不固其節節豈我  
名潔豈我貞憑雲升降從風飄零值物賦象任地班形  
素因遇立污隨染成縱心皓然何慮何營

雪賦

周劉璠



天地否閉凝而成雪應乎玄冬之晨在於沍寒之節蒼  
雲暮同嚴風曉別散亂徘徊零霏皎潔違朝陽之曜煦  
就凌陰之慘冽混二儀而並色覆萬有而皆空既奪朱  
而成素實矯異而為同始飄颻而稍落遂紛糅而無窮  
曉攝光而映淨夜合影而通曠似北荒之明月比西崑  
之閨風

小雪賦

以寒律變時因  
風有漸為韻

唐  
林滋

偉茲雪之霏霏應玄冥而不失其期賦象於虹藏之日

成形於冰凍之時委地則微庶表三冬之候翻空雖小  
那無六出之姿當其寒氣初升陰風始變既淅瀝於遙  
野却飄飄於廣甸邊城一望龍山之淨色猶晞上苑再  
瞻鳳闕之清光未遍眇若毫端輕飛可觀細細而千巖  
送冷飄飄而萬戶迎寒霏微墀廡之間瑤臺月曉髣髴  
草茅之上玉樹花攢迴拂陰軒高翻曉律紫枝分盈尺  
之象帶薨誤如圭之質微交月影天邊之孤雁應迷稍  
助山明松際之浮烟已失細糝長空纖綠綺櫳淨若蘆

花之覆水輕同柳絮之因風是則謝氏林亭盡在迴眸  
之內梁王池館無非跬步之中於以明潔白之姿於以  
表陰凝之漸雖見明而無滯詎因污而成染初疑畫閣  
妝奩之香粉微微又若瓊筵玉箸之凝酥點點既而纖  
悉繽紛呈祥是因掩日而難分薄霧開簾而不辨輕塵  
影入空帷預想映書之子光侵遠水潛思訪戴之人可  
謂不遠而來自無而有始紫盈於階砌終散漫於林藪  
安得不燎薰爐命芳酒作小雪之賦繼大夫之後

殘雪賦

以明月照積雪為韻

唐范榮

謝惠連道文擅名藻思騰聲觀階墀之積雪因體物以興情曰是雪也感沍寒之德陶元化之精玄冬御時固淒其而以降青春換律奚浩然以居貞豈不以其氣勁其質清處慘無昧遇蒙而成若就陽呈妍已過乎東風所解且居陰寓質望晞夫朝日之明乃春宵尚寒銀漢未沒質瑩庭廡光搖林樾雜凝花於春露亂素影於夜月小山虛映瑤峰盈尺而潛生樛枝乍垂梅花照樹而

將發詎比夫瓊蕊難求夜光可照且昧不貪之寶未得  
卷舒之妙或消或結吾將任其行藏是翫是瞻彼何為  
乎銜耀當其朔風駛同雲劇既散亂以飛空或繽紛而  
下隙於是出野而萬頃連縞晞山而千峰合璧既見現  
以俱消將飄零而委積隨時之義強守潔而在今潤物  
之功固呈豐而自昔既而陽氣長陰氣滅將散有以歸  
無尚葆光而固節已矣哉人道不能無否泰天道豈可  
無寒熱固可洞消息以從之何必託興於殘雪

雪影透書帷賦

以光彩輝映披閱古今為韻

唐

蔣防

顥爾凝素檐如夕張因潔朗以旁徹遂虛明而內彰繇  
是以洞篇翰鑒毫芒委六出之姿喜乘時而瑞聖就三  
冬之業期利用之觀光况復素軸增輝輕紗閱彩釋居  
中之茫昧致藏用之所在霏微子太素初分晃朗兮窮  
陰既改映草玄之客類姑射之神仙隱談天之人疑脰  
渾之真宰凜凜寒色融融暮幃縑紉叢耀簡牒連輝腫  
朧而微月將入幕塵而輕風乍霏故得百氏旁窺萬流

仰鏡稽古昔資興詠動鉛管而有助含章對鶴書而無  
非浴淨蓋以啓其幽默不獨事其韜映契莊周之理虛  
白自生微大禹之文光陰是競俾夫夕可以忘寐牖可  
以罷窺煥乎而不藏於密昭然而蓋取諸離清熒子寒  
氣方壯髣髴今晴雲欲披澄筆海之波瀾皆為練色耀  
書林之杞梓盡作瓊枝是能燭前轍彰往哲時觀謝賦  
想墀廡之縈盈載觀曹詩歎蜉蝣之掘閱詳夫理同委  
照處異在陰比然膏之功益簡助繫日之務逾深必將

金史四庫全書  
卷九  
修詞以進德實勤考古以觀今所謂用晦而彰韜光有  
曙祛絳紗之悶邃發素王之牖戶期潔白以無虧庶研  
精乎千古

聚雪為小山賦

唐  
李子卿

皓色旁射兮清虛上騰間階之下兮聚雪峻增歎此雪  
兮具知其有興有滅故為山也庶期乎不騫不崩始也  
散而從風類元氣之無象今也結而為阜若脰渾之初  
凝五嶺高標三峰遠蹠昔則心往斯焉目擊千里之勢



存乎衰丈萬仞之容見乎盈尺皜曜起乎岑嶂曛曛生  
乎樹石峽裏則秋月長懸封中則曉雲猶白夫其以近  
則遠以遠則親玉林不夜瑤草先春照寒景而逾潔拂  
朝霞而更新嶺上裀褥作緱氏之仙鶴巖中綽約寫姑  
射之神人樵傍壑而踈影徑臨崖而絕鄰至若霽日生  
暖融風變朔危容半頽儻遇嵇康之醉片影初墜謂入  
都說之幄因降高而就卑遂散雕而為朴沍寒始勁猶  
可持而斲見現則消不可繫而握因知夫色不久鮮物

無常堅始則有於無有今乃然於自然觀陵谷之推易  
信人世之徂遷亦何必怪桑田之變海都邑之成川

春雪賦有序

宋 錢惟演

癸亥歲二月晦訖春季旦霰雪雜下平地二尺寒威於  
是凌厲陽和為之潛伏問諸農曰田有傷矣問諸圃曰  
果不實矣考諸史曰陰陽戾矣予守土者豈不以民為  
心因愴然而賦

春陽以中百昌俱作彼陰冷而忽興何飛霰之驟落始

蒙蔽於陽烏遂潛藏於天幕水霰雜下溫和相搏纒袞  
袞而紛糅更霏霏而交錯因方就圓填溪滿壑迷匹練  
於素鷗混高雲於皓鶴七盤頓失乎巖嶮二室僅存乎  
岷嶧我有爰田既鉏既耰我有條桑且楸且柔豈滅裂  
而是取顧沃若之待收惟此暴殄予心則憂亦有庶草  
羣木千芳萬菲粉落絮起珠傾玉碎建森纚之高牙垂  
陸離之長佩掩藩區之鬱栖覆臺塘之畏壘病李殭於  
井榦芳蘭沉於林薈有卉萸萸有鳴嚶嚶移薦草以無

所戀危巢之欲傾顧澤中而罷釣之壘上而輟耕手足  
瘡痍吾道不行吾乃詩歎麻衣歌悲黃竹兔園靡召於  
游客弇山遂休於王屬隔瑤水之來使沒騷人之行轂  
東郭歎不完之衣梁山作思歸之曲豈由漢女之冤遂  
至衛民之哭已而違時令反天常氣雖淒而不烈風雖  
暴而不揚忽曜靈之委照佇消釋於輝光

雪賦

明薛瑄

維月之孟陽兮氣栗烈而嚴凝歲忽忽而道盡兮閱升

降之機。局相重陰之蘊。杳兮霏雪下而縱橫。何玄冥之  
工巧兮。鏤六出之奇形。初揮霍而散漫兮。遂漠漠而無  
窮。乍大荒之微壘兮。久川谷而俱盈。灑長松之落落兮。  
玉龍夭矯而騫騰。逐回飈而入竹兮。磕金石之琤琤。被  
嶽釜之絕巘兮。若天吳起立而海波傾。訝城闈之方啓  
兮。敞馮夷之幽宮。卷前簾而凝睇兮。懸旒玉於簷楹。九  
臯之鶴橫空而遠逝兮。惟聞夫戛然之長鳴。舞瑤臺之  
佚女子兮。迷不覩夫綽約之冶容。疑地媪之效瑞兮。珪璧

磊落而晶熒豈清都紫微之旣春予梨花飛絮而交零  
載瑤車而駕玉蚪兮將遠觀夫九野與八紘遵渤澥而  
東驚兮渺萬里之滄溟登九疑而瞰南極予祝融不炳  
耀其銛鋒循流沙而涉弱水予歷崢嶸之長冰臨大漠  
而睨中土兮山川紆曲而齊同天地混融而為一兮又  
孰別夫濁與清乃旋轉而息駕兮獨懍懍於中庭四方  
上下皆在我闥兮擴靈府之宏澄探元化於終古兮聊  
向風而抽情亂曰洪鈞斡運一氣孔道兮四時相沓而

翕闕何由兮陽以陰肅思若仇兮闕寂無餘而發爛莫  
收予蟲蟲降伏三白肇休予歲薦若茲我將何求予

喜雪賦

宋

范純仁

余謫守於山城兮唯土瘠而民窮加農事之莽鹵兮仰  
雨暘之適中昧豐凶之迭有兮蓋天道猶張弓雖唐商  
之盛予亦難恃乎全功賴睿明之在上兮常十雨而五  
風偶愆陽之微疹予候甫涉乎季冬旣四聰之旁達兮  
復親覽乎奏封詔禱祀於羣望予戒守牧以稠重邁成

湯之憂民兮軫淵衷而有忭宜小臣之承命予增惕懼  
而虔恭豈人子之失職兮煩慈父而尸饗走名山以展  
祀兮忘崖巖而谷穹致帝命之丁寧兮爰震起乎蟄龍  
矧聖人之先天兮固天心之所同降嘉雪於八紘兮與  
和氣而並克唯駿德之昭格兮方有變乎時雍寧止瑞  
於一朝兮穫麥黍之芄芄民既富而後教兮將神化之  
日隆當刑清而訟息兮士得委蛇而自公嗟一人之餘  
慶予賚億兆以何豐



天賜時玉賦有序

明夏言

嘉靖十四年歲乙未正月二日夜雪詰朝全霽上喜札諭輔臣暨禮官曰今日正欲與卿等一見但蒙天賜時玉耳臣言伏讀聖文以時玉名雪實古今所未經道臣謹恭掇天語作天賜時玉賦一首以獻伏惟聖明垂覽焉賦曰

端月啓淑氣回陽春布瑞雪飛天子一念周於九圍乃命楮毫詔臣僕感天恩賜時玉千里一色四郊霑足俄

而曉日升慶雲見天子擁大裘於椒宮被衮衣於蘭殿  
於是南宮小臣仰承宸翰謹端拜而進辭曰臣聞先正  
有言使天而雨珠寒者不可以為襦使天而雨玉饑者  
不可以為粟伊上天之降雪實滋繁於五穀矧一氣之  
潛萌已三白而相屬錫兆庶以豐年耀太平之玉燭爾  
其飄飄灑灑藹藹浮浮光明鵲觀霏映龍樓乍蕭騷以  
入聽皎潔而盈眸挺瓊林於閭闔積瑤水於崑丘陋  
北風之歌衛壯南山而詠周於是樂彼閭閻惠此畎畝

明昭上帝錫我大有諧萬國之憂心慰三農之翹首諒  
無慚於比德宜見稱於我后歌曰稷翼之山其玉惟白  
兮弗如時雪之沛我民澤兮秦冒之山其玉惟藻兮弗  
如時雪之慰我民悄兮密山之上惟玉流膏兮弗如時  
雪之息我民勞兮放臯之山惟玉多蒼兮弗如時雪之  
療我民瘡兮天生萬物莫貴於玉兮弗如時雪之介我  
穀兮介我穀兮民食足兮民食足兮何以玉兮是曰受  
天之賜俾天子萬福兮

瑞應靈雪賦

有序

明  
廖道南

嘉靖己丑春正月至二月不雨皇上禱雨郊壇時臣道  
南校藝春闈弗獲扈從暨冬十一月雪未降上復率百  
官露禱於天地宗廟社稷祀事甫畢雪大降禮部請稱  
賀上弗允既而懇請乃允之雪復大降於是翰苑宮坊  
侍從儒臣各有撰述臣弗佞乃倣國初諸體謹撰瑞應  
靈雪賦賦曰

歲次己丑月臨仲冬日躔星紀律應黃鐘玄英已屆則

萬象含輝素雪未降則三農望豐惟皇淵懷孚乎大造  
睿思發乎至誠軫田功之至重惻歲事之將興乃命宗  
伯勅太常蒐典訓布儀章筮人繹兆華氏諏良協龜謀  
之從吉覩龍翰之飛章乃昭告宗閔祇宿齋宮玄袍素  
履以示謙約凝神定慮以秉寅恭避極闕而廣樂不作  
減珍饈而鼎食弗克天之鑒之神之聽之固已潛孚默  
契於聖心之至正大中矣於時月之既望夜如何其宵  
嚴虎旅夙駕鸞車屏攝提之星旃減招搖之虹旗知事

天以簡為貴而交神以敬為宜惟一德之馨香詔百辟  
以追隨乃謁天門詣泰壇降翠輦撤青鑿庭燎列炬御  
爐焚蘭龍行蜿蜒而雲氣從鷓班拱衛而星華寒乃躡  
台階朝帝座祥煙繞清颺作玄酒無文太羹不和裸將  
孔時而蒞藻宣祝誦惟虔而文詞播乃祈先農祠太歲  
對諸神走羣祀杲旭方升同雲儵翳必躬必親而罔有  
怠來格來饗而靡不至是日既夕皇心未寧乃候玉漏  
啓金闈宜冢土竭精禋寶月猶懸璇宿微明朔颺驟起

而栗烈靈雪忽降而飄零始而觀之掖庭嬋映秘閣玲瓏瑤華燭曙珠屑凌空驂雲師而隨太乙驅風伯而奔豐隆徐而察之河海增深山嶽培高塋如露羽紛若鷲毛松濤鳴而凍水壑梅暈發而凝江臯既而五夜疑晝三冬似春衢翻縞帶林積玉塵陽阿崇而瓊丘炫陰山幽而琪樹新是故其為靈也陰陽主宰於混沌鬼神運用於冲漠以五行為機杼以四象為橐籥以太虛為堂室以大地為城郭黼黻之以雲漢之文章旖旎之以草

木之花萼融結之以雨露之精英潤色之以冰玉之潔

澤惟皇克享天心允孚帝則山祇薦祥海若貢祉而萬  
物仰其光華珠星協軌璧日合度而四時均其氣節是  
以至和氤氲大順顯形嘉生丕降萬寶告成螟螣弗沴  
蚺蜃罔形而兆茲靈雪之禎也於是在朝之臣從而頌  
曰桑林之禱傳之成湯雲漢之雅美諸宣王彼惟禱雨  
自古有光矧今靈雪農夫之望於昭我皇保有萬邦天  
監明德神錫嘉祥上祝聖人永建綱常前星有曜萬壽



無疆在野之農亦從而頌曰康衢之謠帝力罔知擊壤之歌君德無私惟彼同雲周家之詩矧今靈雪適應其期於昭我皇勤勞萬幾天惟降康神之格思上祝聖人永作君師兆民有賴萬壽無期

禦電賦

以日在北陸  
藏冰為韻

唐闕名

聖人常夕惕而不寐懼時令之有失欲禦電於明年必藏冰於是日深山窮谷於是收桃弧棘矢而後出蓋所以息天時之暴沴成國家之元吉不然者當純陽之用

事有伏陰之相蒸炎雲際天而凍雨驟落芳草竟野而  
淒風暴興夫傷穀者莫大於雹禦雹者其在乎冰俾四  
時之事不悖信七月之詩有徵日臨下土時在北陸乃  
命凌人出斯冰谷威刺刺而正切聲冲冲而轉速雖暫  
勞而可倦終永寧以多福今國家酌於故實考於先王  
雖雹可以禦亦冰其是藏等至仁於天地曾何咎於陰  
陽斯道可久百王不改苟或失之四方何罪周官之禮  
是具魯史之言斯在抑為人者仰於食動於天者唯其

德苟能用於天道自可忘其帝力夫如是用天與地自  
南自北寧有夭折之苦曾無凍餒之色若待反時以為  
災其何禦之能得

御定歷代賦彙卷九

謹案卷八第二十八頁後三行永悽悽以遑遑按  
初學記悽悽作栖栖此從文苑英華

卷九第二頁前七行悽悽兮恍若有亡按文苑英  
華注此句疑有闕文





總校官庶吉士臣張能照  
校對官編修臣曹城  
謄錄監生臣鄭嶠